

Ո Ր Ո Շ ՈՒ Մ N 510/1
/վարչական տույժ նշանակելու մասին/

«6» ապրիլ 2022թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Վանիթար» ՍՊ ընկերության (ՀՎՀՀ՝ 00112219) տնօրեն Արգիշտի Ռազմիկի Ղահրամանյանի (անձը հաստ. փաստ.՝ 000943019, հասցե՝ ՀՀ, ք. Երևան Ա. Ահարոնյան փ., 16 տուն,) նկատմամբ սկսված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Վանիթար» ՍՊ ընկերության անվամբ թիվ 05100022/151121/0024853 տարանցման հայտարարագրով Բավրայի մաքսային կետ-բաժին անցակետով ՀՀ տարածք է ներմուծվել 2,017 կգ քաշով ապրանքներ, որոնք 16.11.2021 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի լրանալը ապրանքների վերաբերյալ մաքսային հայտարարագիրը մաքսային մարմին չի ներկայացվել:

ՀՀ ՊԵԿ Արարատյան մաքսատուն-վարչության բացթողնման բաժնի գլխավոր մաքսային տեսուչի կողմից 21.03.2022 թվականին մաքսային կանոնները խախտած անձի՝ «Վանիթար» ՍՊ ընկերության տնօրեն Արգիշտի Ռազմիկի Ղահրամանյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Մաքսային կանոնների խախտման վերաբերյալ գործը «Վանիթար» ՍՊ ընկերության տնօրեն Արգիշտի Ռազմիկի Ղահրամանյանի մասնակցությամբ քննելու համար նշանակվել է գործի քննություն, ինչի տեղի ու ժամանակի մասին ծանուցագիր է ուղարկվել նրա գտնվելու վայրի հասցեով: Արգիշտի Ռազմիկի Ղահրամանյանի բացակայելու և գտնվելու վայրի վերաբերյալ այլ տեղեկություններ չլինելու արդյունքում՝ 06.04.2022 թվականին ժամը 10:00-ին իրականացնելով գործի քննությունը՝ վարույթը բացառող հանգամանքներ չեն արձանագրվել:

ԵԱՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և

տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Այսպիսով, մաքսային կանոնների խախտման գործի վարույթի նյութերով հիմնավորվում է, որ «Վանիթար» ՍՊ ընկերության տնօրեն Արգիշտի Ռազմիկի Ղահրամանյանը սահմանված ժամկետում Բավրայի մաքսային կետ-բաժին անցակետով թիվ 05100022/151121/0024853 տարանցման հայտարարագրով ՀՀ տարածք ներմուծված ապրանքների համար մաքսային հայտարարագիր չի ներկայացրել, ինչի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 194-րդ հոդվածով, 218-րդ հոդվածով 1 կետով, 219-րդ հոդվածով, 221-րդ հոդվածի 1 կետի ա) ենթակետով և ՎԻՎ ՀՀ օրենսգրքի 234 հոդվածով՝

Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար «Վանիթար» ՍՊ ընկերության տնօրեն Արգիշտի Ռազմիկի Ղահրամանյանի նկատմամբ նշանակել վարչական տուգանք՝ **50.000 ՀՀ դրամի** չափով:

2. Որոշման մասին հայտնել «Վանիթար» ՍՊ ընկերության տնօրեն Արգիշտի Ռազմիկի Ղահրամանյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

3. Որոշմամբ նշանակված տուգանքի վճարման հաշվեհամարն է **900005024055-ը (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27):**

ԱՐԱՐԱՏՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ

ԿԱՐԵՆ ԲԱԲԱՅԱՆ